

Skýrsla stjórnar FOSS 2017 – 2018

45. aðalfundur FOSS var haldinn 18. maí 2017 á Hótel Selfossi. Dagskrá var samkvæmt lögum félagsins. Birna Kjartansdóttir stýrði fundi og Þuríður Jónsdóttir ritaði fundargerð.

Formaður FOSS flutti úrdrátt úr skýrslu stjórnar sem birt hafði verið á heimasíðu félagsins. Endurskoðandi félagsins, Jón Bergþór Hrafnsson, skýrði ársreikningana og svaraði fyrirspurnum úr þeim.

Árný Erla Bjarnadóttir flutti skýrslu orlofsnefndar og Kristín Erna Leifsdóttir flutti skýrslu fræðslusjóðs og svöruðu fyrirspurnum.

Samþykkt var tillaga stjórnar um óbreytt félagsgjald 1% af heildarlaunum.

Rósa Sif Jónsdóttir kynnti tillögu kjörnefndar í stjórn og nefndir félagsins.

Eftirfarandi voru tilnefndir:

Stjórn FOSS

Ásbjörn Sigurðsson, til formanns, til 2ja ára

Þuríður Jónsdóttir, til 2ja ára

Svala Ósk Sævarsdóttir, til 2ja ára

Sigurjón Pétur Guðmundsson, til 2ja ára

Þar sem ekki bárust fleiri tilnefningar voru ofangreindir aðilar sjálfkjörnir.

Fræðslusjóður

Sveinbjörn Guðlaugsson til 2ja ára

Skoðunarmenn reikninga

Svanhildur Pétursdóttir til eins árs

Guðrún Hárlaugsdóttir til eins árs

Ofangreindar tilnefningar í Fræðslusjóð og skoðunarmenn reikninga voru samþykktar samhljóða á fundinum.

Undir liðnum önnur mál var samþykkt ályktun um lífeyrissjóðsmál.

Undir lok fundarins var dregið í árlegu happadrætti og vakti það mikla kátínu að vanda.

Stjórn FOSS

Ásbjörn Sigurðsson var endurkjörin sem formaður félagsins til 2ja ára. Einnig voru þau Þuríður Jónsdóttir, Sigurjón Pétur Guðmundsson og Svala Ósk Sævarsdóttir endurkjörin til 2ja ára.

Á fyrsta fundi sínum skipti stjórnin þannig með sér verkum: Birna Kjartandóttir varaformaður, og Þuríður Jónsdóttir ritari. Meðstjórnendur eru Sigurjón Pétur Guðmundsson, Svala Ósk Sævarsdóttir, Kristín Erna Leifsdóttir og Ágústa Richardsdóttir.

Stjórnarfundir eru haldnir mánaðarlega og oftast ef þurfa þykir. Vinnudagur stjórnar var haldinn í september. Þar fer stjórnin yfir stefnu og samþykktir félagsins, leggur grunn að starfinu fram að næsta aðalfundi og gerir tímasettar áætlanir um það sem gera skal.

Kjarasamningar

Síðast liðið ár var fremur rólegt ár varðandi kjarasamningsgerð þar sem samið var við stærstu viðsemjendur okkar í nóvember 2015 og gilda samningarnir til 2019. Þó hefur átt sér stað vinna við eftirfylgni samninganna varðandi bókanir. Mikilvægur áfangi náðist varðandi 10. kafla í kjarasamningi við sveitarfélögin þegar félagsmenn sem stundað hafa að lágmarki 150 kennslustunda nám eða námskeið sem tengist starfi viðkomandi, fá 2% álag á grunnlaun.

Á síðast liðnu ári var tekin í notkun ný og breytt launatafla hjá ríkisstarfsmönnum. Fallið var frá aldurstengdu töflunni og tekin upp launatafla með álagsþrepum. Kallaði þessi breyting á endurskoðun á launaflokkum í stofnannasamningum HSu. og FSu.

Í samkomulagi sem BSRB og ASÍ gerðu við viðsemjendur sína í aðdraganda kjarasamninga 2015 var samið um launaskriðstryggingu til handa félagsmönnum BSRB ef hækkanir launa á almenna markaðnum væru umfram opinbera markaðinn. Nú er búið að mæla hækkanir fyrir árin 2016 og 2017. Niðurstaðan er að ríkisstarfsmenn fengu launahækkun 1.3% vegna ársins 2016 og starfsmenn sveitarfélaga fengu 1.4% launahækkun vegna ársins 2017. Þá er eftir ein mæling fyrir 2018 sem um var samið í ofangreindu samkomulagi.

Lífeyrismál

Þann 1. júní 2017 tóku í gildi breytingar á A-deildum lífeyrissjóða LSR og Brú

Helstu breytingar eru þessar:

Lífeyristökualdur hækkar úr 65 árum í 67 ár, lífeyristaka getur áfram verið breytileg eins og verið hefur.

Aldurstengd ávinnsla tekinn upp í stað jafnar ávinnslu.

Á þetta eingöngu við þá sem hefja störf hjá ríki og sveitarfélögum eftir 1. júní 2017. Starfsmenn sem hófu störf fyrir þann tíma halda sínum réttindum.

Starfsmat hjá Sveitarfélögunum

Áfram verður unnið að því að efla starfsmatskerfi sveitarfélaganna, unnið verður að þróun kerfisins í samráði við stéttarfélög og verkefnastofa starfsmats eflid.

Endurmat starfa er nauðsynlegt og er æskilegt að félagsmenn sem telja sig hafa ófullnægandi starfslýsingu sem lýsir starfinu ekki vel, þrýsti á sinn yfirmann að fá rétta og greinagóða starfslýsingu því starfslýsingin er lykillinn að endurmati á starfinu í starfsmatinu.

Trúnaðarmannaráð

Trúnaðarmannaráð mynda stjórn FOSS og 40 trúnaðarmenn af öllu félagssvæðinu.

Á sl. 12 mánuðum hafa verið haldnir 2 fundir. Á fundina komu fulltrúar frá fræðslumiðstöðinni Starfsmennt sem kynntu sína starfssemi og þá kom Sonja Ýr Þorbergsdóttir lögfr. BSRB og ræddi um „Metoo“ byltinguna. Að auki áttu fundarmenn samtalið um félagið þar sem skipst var á skoðunum í minni hópum. Svipaðar umræður voru einnig um ákveðna kafla í kjarasamningnum.

Vinnustaðafundir

Vinnustaðafundir hafa verið haldnir á árinu, ýmist að frumkvæði trúnaðarmanna eða stjórnar FOSS. Vinnustaðir hafa líka haft samband og óskað eftir fundi með formanni eða starfsmönnum félagsins. Smærri fundir eins og vinnustaðafundir eru mjög gefandi og góðir félagslega til skoðanaskipta og upplýsinga.

Skrifstofan

Ný skrifstofa félagsins var opnuð í október sl. að Eyravegi 27, Selfossi. Ástæða þess að ráðist var í flutning á skrifstofunni var að fá betra aðgengi. Húsnæðið á Austurveginum var á 2. hæð og engin lyfta, þannig að æskilegt var að komast á jarðhæð eða í hús með lyftu.

Skrifstofan er opinn mánudaga til fimmtudaga frá kl. 09:00 – 16:00 en lokað er á föstudögum. Starfsmenn á skrifstofu kappkosta að veita góða þjónustu og leysa úr erindum félagsmanna svo vel sem kostur er.

Starfsmenn á skrifstofu eru þær Stefanía Geirsdóttir og Árný Erla Bjarnadóttir.

Félagsmenn eru nú tæplega 1000 og nær félagssvæðið okkar frá Hornafirði til Þorlákshafnar. Þar með talin eru öll sveitarfélög á félagssvæðinu og stofnanir þeirra ásamt Heilbrigðisstofnun Suðurlands, Fjölbrotaskólunum og nokkrum sjálfseignastofnunum. Viðsemjendur félagsins eru 25 en margir hafa falið samninganefnd samband ísl. sveitarfélaga(SNS) eða Samninganefndar ríkisins(SNR) samningsumboð sitt.

Heimasíða og prentað efni

Heimasíðan er fréttamiðill til að koma á framfæri ýmsum upplýsingum til félagsmanna.

Þar er að finna upplýsingar um félagið, lög og reglugerðir, kjarasamninga, umsóknareyðublöð og síðast en ekki síst mikilvægar upplýsingar og leiðbeiningar um starfsmatið og endurmat starfa.

Slóðin er: <http://foss.bsrb.is>

Heimasíðan tekur yfir ýmis konar útgáfu sem áður var send til félagsmanna. Gagnvirk umsóknareyðublöð eru á síðunni til að sækja um í orlofs- styrktar- og fræðslusjóði félagsins.

Í vaxandi mæli nota félagsmenn tölvupóst til að fá upplýsingar frá félaginu og er það góð og gagnleg leið til samskipta.

Tölvupóstfangið er: foss@foss.bsrb.is

Þá er að nefna facebook síðu FOSS. Er hún einkunn notuð fyrir fréttatilkynningar en einnig er möguleiki fyrir félagsmenn að koma með ábendingar og skoðanaskipti í gegnum síðuna. Slóðin er: <http://facebook.com/fossst>

Orlofsbæklingar eru gefnir út ásamt kjarasamningum.

Fræðslunefnd FOSS

Fulltrúar í Fræðslusjóði FOSS eru kosnir á aðalfundi félagsins til tveggja ára í senn. Einn fulltrúi er kosinn af stjórn félagsins og gegnir hann jafnframt formennsku.

Í stjórn Fræðslusjóðs á sl. ári voru Kristín Erna Leifsdóttir formaður, kosin af stjórn félagsins, Hanna Björk Grétarsdóttir starfsmaður hjá Hrunamannahrepp og Sveinbjörn Guðlaugsson starfsmaður Sundhallar Selfoss kosin á aðalfundi félagsins. Starfsmaður FOSS starfar með nefndinni

Fulltrúar sjóðsins sjá um úthlutun úr sjóðnum og framkvæmd úthlutunarreglna. Vísindasjóður háskólamanna er vistaður hjá Fræðslusjóði. Endurmenntun stjórnar og trúnaðarmanna FOSS heyrir einnig undir sjóðinn.

Á síðast liðnu starfsári voru haldnir 3 fundir en ekki eru haldnir fundir í júlí og ágúst.

Á sl. starfsári urðu breytingar á úthlutun úr sjóðnum. Umsóknir sem tilheyra starfssviði félagsmanns þurfa ekki lengur að fara fyrir fund heldur er greitt út mánaðarlega. Þar af leiðandi fækkar fundum nefndarinnar en ekki úthlutunum.

Reglur sjóðsins eru sífellt í endurskoðun og er von á endurskoðuðum reglum á næsta ári.

Viljum ítreka að styrkurinn fellur niður ef hans er ekki vitjað innan sex mánaða. Og að frumrit reiknings þarf að fylgja með umsókninni.

Fulltrúi Fræðslusjóðs segir nánar frá störfum sjóðsins á aðalfundi.

Mannauðssjóður Samflots

Um er að ræða starfsmenntunarsjóð sem starfar á grundvelli kjarasamninga. Sjóður veitir styrki til símenntunar og mannauðs og geta sveitarfélög, stofnanir og launagreiðendur sem greiða í sjóðinn sótt um styrk til sjóðsins.

Nánari upplýsingar um sjóðinn er að finna á heimasíðu sjóðsins <http://mannauðssjodur.samflot.is>

Samsvarandi sjóður fyrir ríkisstarfsmenn er Þróunar og símenntunarsjóður.

Orlofsnefnd FOSS

Í orlofsnefnd FOSS sitja Ragnheiður Elsa Busk form., Ingibjörg Ingadóttir og Veiga Dögg Magnúsdóttir, auk þess situr starfsmaður FOSS fundi. Fundir eru haldnir að jafnaði tvisvar á ári, oftast ef þurfa þykir.

Sala á flugmiðum hefur aukist mikið síðustu ár og virðast félagsmenn okkar vera mikið á ferðinni erlendis sem er afar ánægjulegt. Íbúðin sem FOSS og StH eiga á Spáni er vel nýtt.

Allir félagsmenn hafa aðgang að orlofsvefnum okkar. Heimasíðan er www.foss.bsrb.is, velja flipann orlofsmál en þar hefur orðið breyting á þar sem núna þarf að skrá sig inn með rafræn skilríki eða íslykil. Þar geta félagsmenn skoðað, bókað og greitt fyrir allt sem í boði er nema gjafamiða í Heimsferðir, Útilegukortið, Veiðikortið og Spalarmiða. Þessir miðar eru seldir á skrifstofu FOSS en hægt er að láta senda sér þá gegn því að lagt sé inn á reikning félagsins

Orlofsblaðið kom út eins og venjulega í vor og var sent til allra félagsmanna. Einnig var gefið út Spánarblað í ár.

Margar spurningar hafa verið um orlofspunkta en félagsmaður fær 2 punkta fyrir hvern iðgjaldamánuð óháð starfshlutfalli. En svo dragast frá punktar þegar keyptir eru flugmiðar, hótelmiðar og vegna sumarleigu orlofshúsa.

Það er eingöngu punktastýrð úthlutun um páska og í Spánaríbúðinni, en yfir hásumartímenn er punktastýrð opnun á kerfinu. Annars er það fyrstur kemur fyrstur fær.

Þegar opnað er fyrir ný tímabil er það auglýst á heimasíðunni og á facebook síðu FOSS, fossst, sem við hvetjum alla sem eru á facebook að læka við.

Fulltrúi orlofsnefndar mun flytja skýrslu nefndarinnar á aðalfundi.

BSRB

BSRB eru stærstu samtök opinberra starfsmanna á Íslandi, eru aðildarfélög 25 talsins og fjöldi félagsmanna tæplega 22.000.

Á heimasíður BSRB www.bsrb.is er að finna allar upplýsingar um bandalagið og aðildarfélög þess. Auk þess eru þar sérstakur réttindavefur, laga- og reglugerðavefur.

Réttindamál eru veigamikill þáttur í starfi BSRB enda eru á skrifstofu bandalagsins sérfræðingar á flestum sviðum vinnuréttar og kjaramála sem félögin geta að leitað til þegar upp koma erfið mál.

FOSS á fulltrúa í öllum fastanefndum BSRB.

Bæjarstarfsmannafélögin.

2. Landsfundur bæjarstarfsmannafélaga var haldinn hér á Selfossi 8-9. nóvember sl. Á fundinum voru rædd ýmis mál svo sem komandi kjarasamningar, starfsmat, samstarf félaganna, norræna samvinnan og fræðslumál. Fyrirlesarar komu frá Háskóla Íslands, ríkissáttasemjara, BSRB auk fulltrúa frá félögunum.

Kynnt var hugmynd um sameiginlegan starfsmann félaganna sem myndi starfa við starfsmatið. Er full ástæða til að þetta verði að veruleika þar sem starfsmatið er grunnurinn að launasetningu starfsmanna sveitarfélaga og er nauðsynlegt að stéttarfélögin hafi sérfræðing í fullu starfi sem myndi aðstoða félögin og félagsmenn við starfsmatið.

Það er ekki vafi að þetta samstarf okkar bæjarstarfsmannafélag sem hófst með sameiginlegri samninganefnd allra bæjarstarfsmannafélaga við gerð kjarasamningsins 2014, hefur skilað árangri

heldur en áður þegar félögin voru að semja sitt í hvoru lagi. Það er ekki spurning hvort, heldur hvenær næstu skref um aukið samstarf eða sameiningu verða teknar.

Norrænt samstarf

FOSS í samstarfi við flest félög bæjarstarfsmannafélög innan BSRB eru í norrænu samstarfi í samtökum sem kallast NTR Nordiske Tjenestemanns Råd.

Haldinn er ráðstefna annað hvert ár í einhverju norðurlandanna og í ár er komið að því að fara til Stavanger í Noregi og mun FOSS senda fulltrúa þangað.

Styrktarsjóður BSRB

FOSS er aðili að Styrktarsjóði BSRB. Hann var stofnaður í kjarasamningum og hóf starfsemi sína 1. janúar 2001.

Upplýsingar um úthlutunarreglur sjóðsins er að finna á heimasíðu hans www.styrktarsjodur.bsrb.is

Starfsendurhæfingarsjóður

Starfsendurhæfingarsjóður er stofnaður með aðild alls vinnumarkaðarins. Í síðustu kjarasamningum við ríki og sveitarfélög urðu opinberir starfsmenn aðilar að honum. Hlutverk Starfsendurhæfingarsjóðs er að draga markvisst úr líkum á því að launafólk hverfi af vinnumarkaði vegna varanlegrar örorku, með því að auka virkni, endurhæfingu og önnur úrræði.

FOSS er aðili að starfsendurhæfingarsjóðnum Virk sem starfar á Suðurlandi. Unnið hefur verið gríðarlega gott starf á þess vegum til hjálpar þeim sem hafa verið lengi út af vinnumarkaðnum vegna örorku eða atvinnuleysis.

Lífeyrissjóðir BRÚ og LSR

Allir félagsmenn FOSS sem fá greidd laun frá launaskrifstofu fjármálaráðuneytisins greiða í Lífeyrissjóð starfsmanna ríkisins, svo og þeir félagsmenn sem hófu störf hjá sveitarfélagi eða stofnunum fyrir 1997 og völdu að vera þar áfram.

BRÚ(Lífeyrissjóður starfsmanna sveitarfélaga) er kjarasamningsbundinn og er fyrir alla starfsmenn sveitarfélaga og stofnana þeirra sem hefja störf eftir gildistöku laga nr. 129/1997. Sjóðurinn er þriggja deilda sjóður. A deild, sem er sambærileg við A deild LSR, V deild sem gefur kost á valmöguleikum á viðbótariðgjaldið og S deild sem ætluð er fyrir séreign.

Förystumenn bæjarstarfsmanna sömdu um stofnun BRÚ (LSS) við Launanefnd sveitarfélaga. Sjóðurinn er því kjarasamningsbundinn og verður honum ekki breytt nema með samningum. Það er hluti af kjarasamningsbundnum kjörum að greiða í þá lífeyrissjóði sem FOSS hefur samið um.

Allar nánari upplýsingar um sjóðina er að finna á heimasíðum www.lifbru.is og www.lsr.is

Það er á ábyrgð sjóðsfélaga að velja sér leiðir, þær eru ekki eins fyrir alla, fer eftir fjölskyldumynstri, aldri o.s.frv. Það er nauðsynlegt að vekja stöðugt athygli félagsmanna á þeim möguleikum sem í boði eru. Félagsmenn verða að vera vakandi um lífeyrissjóðsmál sín ekki síður en önnur réttindi, það getur skipt sköpum þegar að töku lífeyris kemur.

Reikningar FOSS

Rekstur FOSS er með ágætum. Ávöxtun sjóða félagsins er í höndum starfsmanna og endurskoðanda félagsins en hann mun skýra ársreikninga á aðalfundi félagsins.

Að lokum

Í skýrslu þessari hefur verið dregið saman það helsta úr starfi félagsins á síðastliðnu starfsári. Á heimasíðu FOSS er einnig að finna upplýsingar um mörg þau atriði sem upp eru talin ásamt öðru efni sem ekki var hægt að koma fyrir í stuttri skýrslu.

Ég vil þakka meðstjórnendum, nefndarmönnum og starfsmönnum fyrir störf í þágu félagsins. Þeim nefndarmönnum sem láta af störfum vil ég þakka sérstaklega.

Síðast en ekki síst þakka ég ykkur öllum, félagsmenn góðir, ánægjulegt og gott samstarf á liðnu starfsári

Selfossi apríl 2018

fh. stjórnar FOSS

Ásbjörn Sigurðsson.